



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

**Luxemburgi, 1748**

CCLIII. Decretum de ordine servando in recursibus faciendis a Fratribus  
Ordinis S. Francisci Minorum Conventualium.

---

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

phano, & Bernardo in Terris agentibus parta merita, singulari Apostolica Charitatis, & Pontificiae Benignitatis studio Nos complectentes, ingenti cum paterni animi nostri voluptate exceperamus, dilectos filios ejusdem Ordinis Superiores, & Abbates, aliosque anno proximo elapso, omnibus, quae haecenus obstituerunt, quominus generalia Ordinis praed. Comitia Cisterci Cabillonensis Dioecesis haberentur, per summam Omnipotentis Dei clementiam compositis, illic a die quinta Mensis Maii usque ad diem vigesimam ejusdem Mensis Anno praefati congregatos eadem generalia Comitia celebrasse. Sed majori laetitia affecti sumus, cum acta ipsorum generalium Comitiorum, varia Decreta, Ordinationes, Deliberationes, Constitutiones, & Mandata pro bono ejusdem Ordinis, & Monastica disciplinae regimine condita, & statuta insimul complectentia ad Nos, ut illis Apostolica Confirmationis robur adiceremus, transmissa, & a Congregatione Venerabilium Fratrum nostrorum S.R.E. Cardinalium negotiis, & consultationibus Episcoporum, & Regularium praeposita, ad quam examinanda remiseramus, expensa, & approbata Apostolico munimine corroborari posse audivimus.

Ejus Acta a Congregatione Ep. & Regul. confirmatione Ap. digna reputata.

Ea confirmat Pontifex reservata d. Congregationis auctoritate.

§. 2. Quomobrem dilecto filio Phiberto Quarre Abbate Uterinae Vallis, & praefati Ordinis Procuratore Generali nobis humiliter supplicante, ut illa, ut praemittitur, opportuna Confirmatione munire de benigne Apostolica dignaremur; Nos igitur dictum Philibertum specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententis, censuris, & poenis, a jure, vel ab homine quavis occasione, vel causa latis, si quibus quomodolibet innodatae existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de praefato Venerabilium Fratrum nostrorum S.R.E. Cardinalium negotiis, & consultationibus Episcoporum, & Regularium, qui Votum dilecti filii nostri S.R.E. praedictae Cardinalis de Via nuncupat. ad ejusmodi negotium examinandum deputati, attenderunt, consilio, praefata Decreta, Ordinationes, Deliberationes, Constitutiones, & Mandata cum omnibus inde secutis, & sequendis, dummodo tamen sint licita, & honesta, sacrisque Canonibus, & Concilii Tridentini Decretis, ac Constitutionibus Apostolicis non adferrentur, apostolica auctoritate tenore praesentium confirmamus, & approbamus, illisque inviolabilis Apostolicae firmitatis robur adicimus; Salva tamen semper in praemissis auctoritate Congregationis eorumdem Cardinalium.

Illaque, in iisque statutis perpetuo praecipit observari.

§. 3. Decernentes Decreta, Ordinationes, Deliberationes, Constitutiones & Mandata, ac praesentes litteras, firmas, validas, & efficaces existere, & fore, suosque plenarios & integros effectus sortiri, & obtinere, ac illis, ad quos spectat, & pro tempore quocumque spectabit, plenissime suffragari, & ab eis respective inviolabiliter observari, sicut in praemissis per quoscumque Judices Ordinarios, & Delegatos, etiam Caesarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. In contrarium facien. non obstan. quibuscumque.

Dat. die 21. Martii 1739. An. IX.

Datum Romae apud S. Mariam Majorem sub annulo Piscatoris die 21. Martii 1739. Pont. nostri Anno Nonno.

Decretum de ordine servando in recursibus faciendis a Fratibus Ordinis S. Francisci Minorum Conventualium.

CLEMENS PP. XII.

Ad futuram rei memoriam.

EX inuncto Nobis Apostolicae servitutis munere ad ea peculiare sollicitudinis nostrae curas libenter intendimus, quae felici Christianissimorum Divini Numinis obsequiis sub suavi Religionis jugo mancipatorum regimini, atque tranquillitati conducibilia fore in Domino arbitramur.

CCLIII.

Exordium.

§. 1. Exponi siquidem Nobis nuper fecerunt dilecti filii Felix Angelus Sidori Vicarius Apostolicus, & Joannes Baptista Minucci Procurator Generalis Ordinis Fratrum Minorum Sancti Francisci Conventualium nuncupatorum, quod licet per Constitutiones Urbanas dicti Ordinis Cap. X. Tit. II. Num. VII. praescriptum reperitur, nempe. Sacrosancti propterea Concilii Tridentini vestigiis inherendo decernimus, & mandamus, ut (nisi ex aliqua ratione a jure permessa causa alias devolvatur) causae omnes, quae Guardiano competant in prima instantia ab eo, in secunda instantia a Ministris Provincialibus, vel eorumdem Commissariis, in tertia demum a Generali Ministro, vel ejus Commissariis cognoscantur, necnon generali Decreto dudum a Congregatione tunc existentium S. R. E. Cardinalium negotiis, & consultationibus Episcoporum, & Regularium praeposita jussu fe. re. Sixti PP. V. Praedecessoris Nostri edito caveatur expresse, quod Regulares cujusvis Ordinis in casibus, in quibus appellare de jure licet, id facere debeant gradatim ad sui Ordinis Superiores, a Priore nimirum ad Provinciales, & a Provinciali ad Generalem, antequam Sedem Apostolicam adire possint; Nihilominus ipsi exponentes non sine eorum animi marore adverterunt, plures Religiosos ejusdem Ordinis, supradicti Ordinis Constitutionum, ac Decreti hujusmodi immemores, illave exoleta, & antiquata esse credentes, tum a praefata correctione Regulari Superiorum provocare, tum ubi appellatio permittitur, nusquam observata forma sic praescripta, ad Superiores mediatos, sive Praelatos majores Ordinis praefati, ac etiam hanc Sanctam Sedem appellare, & recurrere, unde Regularis disciplinae detrimentum immediatorum Superiorum, eorumque Jurisdictionis contemptus, ac non raro impunitas delinquentium, aliaque multiplicia incommoda consequuntur. Quomobrem ipsi exponentes, ut debita subditorum erga Praelatos obedientia, exactaque regularis observantia in dicto Ordine conserventur, & sicubi exciderint restituantur, opportunum gliscenti malo, & abusu ejusmodi remedium adhiberi, & alias in praemissis salubriter a Nobis provideri summopere desiderant.

Quamvis statutum fuerit a Sixto V. ut a Regularibus habeatur prius recursus ad Superiores Ordinis.

Nonnulli tamen Ordinis Conventualium hujusmodi gradationem non servant.

§. 2. Nos ipsorum Exponentium votis hac in re, quantum cum Domino possumus, favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententis, censuris, & poenis, a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, omnibus, & singulis dicti Ordinis Fratibus, & personis cujusvis dignitatis, gradus, & conditionis existant, appellationem a

Constitutiones Ordinis super hoc servari praecipit Clemens.

1739.

1739.

correctione Regulari suorum Superiorum ad formam enarratarum Constitutionum, ac sub pœnis in eis contentis auctoritate Apostolica tenore presentium interdicimus; in casibus vero in quibus iisdem Fratribus de jure, vel juxta Constitutiones prædictas appellare, aut recurrere licet, id non aliter deinceps fieri posse statuimus, quam gradatim a gravamine scilicet Prioris ad Provinciale, & a Provinciali ad Generalem, itaut causæ appellationis, seu recursus hujusmodi, antequam ab eodem Ministro Generali cognita, & definita fuerint, extra dictum Ordinem deferri, & agitari nequeant.

Secus eorum recursus a Judicibus extra Ordinem admitti vetat.

§. 3. Ac propterea omnibus Romanæ Curie Tribunalibus, ac Judicibus, & quibusvis etiam Venerabilium Fratrum nostrorum S. R. E. prædictæ Cardinalium Congregationibus, necnon Sedis Apostolicæ Nunciis, nunc, & pro tempore existentibus, ne Fratrum dicti Ordinis appellationem, seu recursum admittant, causasque prædictas cognoscant, nisi prius eis legitime confiterit, illas per dictos Superiores, memorato ordine servato cognitatas, & definitas fuisse, sub pœna nullitatis actorum, ac inde secutorum, & quoad Religiosos appellantes, vel recurrentes, qui præmissis contravenerint, sub gravibus nostro, & Romani Pontificis pro tempore existentis arbitrio infligendis pœnis, eadem auctoritate harum serie prohibemus.

Sicque semper & ubique jubet servari.

§. 4. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quocumque spectabit, inviolabiliter observari, ac eis respectu plenissime suffragari. Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Obstantium derogatio.

§. 5. Non obstantibus Constitutionibus, & Ordinationibus Apostolicis, ac præfati Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Transumptis fidem addit.

§. 6. Volumus autem, ut earumdem presentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica Dignitate constitutæ munitis eadem prorsus fides in Judicio, & extra adhibeatur, quæ presentibus ipsis adhiberetur, si forent exhibitæ, vel ostensæ.

Dat. die 4. Aprilis 1739. An. IX.

Datum Romæ apud S. Mariam Majorem sub Annulo Piscatoris die 4. Aprilis 1739. Pont. nostri Anno Nono.

D. Card. Passioneus.

CCLIV.

Confirmatio, & Innovatio literarum Pauli V. Urbani VIII., ac etiam S. V. contra transeuntes de Ordine B. Mariæ de Monte Carmelo Congregationis Hispaniæ ad alium Ordinem editarum.

CLEMENS PP. XII.

Ad futuram rei memoriam.

Paulus V. Fratribus Ordinis hu-

§. 1. **D** Udum se. re. Paulus Papa V. Prædecessor noster per quasdam suas, quarum

initium Decet Romanum Pontificem &c. in simili forma Brevis die 3. Aprilis 1610. expeditas literas non solum omnia, & singula facultates, gratias, & privilegia Fratribus Ordinis Beate Mariæ de Monte Carmelo Discalceatis noncupatis Congregationis Hispaniæ a Romanis Pontificibus Prædecessoribus suis usque tunc concessis confirmavit, verum etiam, ut eisdem Fratribus Discalceatis omnia a sui Instituti præscripto discedendi, & vagandi via præcluderetur, statuit, & ordinavit, ac in virtute sanctæ obedientiæ districte præcepit, ut nullus ex ipsis de una in alteram Congregationem hujusmodi transire, recipi, & admitti valeret, & si fecisset, vel ignoranter fieri contigisset, transitus, receptio, ac admissio hujusmodi nullius roboris, vel momenti conferret, nec non ipse sic transiens, seu receptus ad propriam Congregationem restitueretur: ac insuper, ut nullus eorumdem Fratrum Discalceatorum post emissam ab eo in prædicto Ordine professionem regularem per eos committi consuetam absque speciali pro tempore existentis Romani Pontificis licentia de prædictis literis earumque data expressam, individuan, ac de verbo ad verbum mentionem faciente, ac ex legitima, & urgenti causa prius a Congregatione tunc existentis S. R. E. Cardinalium negotiis, & consultationibus Episcoporum, & Regularium præpositorum diligenter examinata, & approbata, & alium quemcumque Ordinem Mendicantium, & non Mendicantium, Monachalium, seu Discalceatorum, aut quamcumque Religionem erectarum, seu erigendarum etiam emissionis quarti voti, seu perfectioris, & humilioris vitæ præsumptione, aut strictioris Regulæ, seu observantiæ prætextu, vel contemplatione, aut alia quantumvis justa, & probabili, aut legitima causa sub apostasiæ, & infamiæ perpetuæ nota, ac excommunicationis lætæ sententiæ pœna ipso facto pro contrafacientes incurrenda se transferre auderet, seu præsumeret (excepto dumtaxat Ordine Fratrum Carthusianorum, quatenus ad illum transeundi licentiam a suis Superioribus petissent, & obtinissent) & quicumque secus fecisset, cum primum desuper monitus fuisset, nulla mora, aut exequatione, seu forensi contentione, vel appellatione interpositis, ad propriam suam Congregationem redire, ac Superiorum suorum correctioni se submittere teneretur, nec Prælati dictarum Congregationum, & aliorum Ordinum, & Religionum hujusmodi ipsos sic translatos, seu fugitivos, & Apostatas retinere, sed eos etiam postquam novam professionem regularem emisissent, sub privationis suorum officiorum, & munerum, ac similis excommunicationis pœnis suis Superioribus, vel ab eis deputatis id requirementis, & potentibus statim absque Judicis ministerio tradere, & consignare deberent.

§. 2. Ac postmodum re. me. Urbanus Papa VIII. itidem Prædecessor noster per alias suas etiam in pari forma Brevis die 4. Septembris 1625. expeditas literas, supplicationibus tunc existentis Prioris Generalis ejusdem Ordinis nomine totius Ordinis, & Congregationis hujusmodi humiliter porrectis inclinatus, interdixit, & prohibuit, ne de cetero ullus eorumdem Ordinis, & Congregationis professor quavis ex causa etiam quantumvis rationabili, privilegiata, & justa, sive sub quocumque prætextu ad Romanam Curiam absque expressa sua, & hujus Sanctæ Sedis, seu dilecti filii Præpositi, aut Vicarii Generalis Ordinis, & Congregationis hujusmodi pro tempore existentis licentia, sub pœna carceris arbitrio ejusdem Præpositi duratura, ac privationis vocis activæ, & passivæ per biennium ab omnium officiorum per eos obtentorum, necnon inhabilitatis ad illa, seu alia in futurum obtinenda pro contrafacientes eo ipso incurrendis pœnis venire, seu accedere au-

jus transsum ad alios Ordines vetavit.

Urbanus VIII. sub gravissimis pœnis eisdem prohibuit accessum ad Rom. Curiam absque Superiorum Generalium licentia.

deret,